



## **Mensajen Sua Eselénsia Primeiru-Ministru RDTL kona-ba Familia Simu Joven LGBT iha Timor-Leste**

Emá hotu iha poténsial atu kontribui ba dezenvolvimentu nasaun ne'e, inklui membrus husi komidade LGBT (Lesbian, gay bisexual, no transgender).

Diskrimina, disrespeita no halo a'at ba emá balun tamba deit sira nia orientasaun seksual no identidade jéneru, sei la fo benifísiu ba ita hotu no ba nasaun.

Timor-Leste koñesidu iha rejaun no iha mundu internasionál hanesan nasaun ne'ebe mak promove no proteje direitus umanus.

Maski nune'e, iha emá barak mak sei hetan diskriminasaun. Foinsa'e balun sei moris iha violénsia nia laran. Dala ruma hahalok hirak ne'e mai husi uma laran rasik.

Violénsia ne'e krime. Diskriminasaun ne'e krime. Timor-Leste nia riku soin lolo'os mak nia emá, liu-liu labarik no foinsa'e sira. Violénsia no diskriminasaun bele afeta futuru nasaun ne'e nia saúde fíziku no mentál.

Nasaun ida atu dezenvolve ho diak, labarik hotu prezisa moris iha ambiente ne'ebe fo protesau, domin, no oportunidade ba sira atu dezenvolve sira nia an, la hare'e ba sira nia diferença.

Inan-aman prezisa simu oan sira, eskola prezisa kria kondisaun ne'ebe bele proteje estudante hotu.

Nu'udar Primeiru-Ministru, hau husu ba ita hotu atu simu malu, atu hare'e malu ho diak no respeita malu.

Ukun Timor nian hanorin ita atu respeita malu. Maromak mos hanorin ita atu hadomi malu.

Prinsípiu husi nasaun demokrátiku mak emá hotu moris livre ho dignidade no respeita ba malu.

Liu husi ne'e, ita bele hari'i nasaun ida ne'ebe inkluzivu, atu emá hotu bele partisipa iha prosesu dezenvolvimentu, no aproveita ho diak independénsia ida ne'ebe ita hotu uluk luta ba.

Ida ba Hotu-Hotu, Hotu-Hotu ba Ida!